



Universitätsbibliothek Paderborn

**Dictamen Illustrissimi ac Reverendissimi P. Mag. Fr.
Gabrielis Adarzo de Santander, Episcopi Viglevanensis,
Ad Interrogata respondens Circa Exclusivam, quandoque
à Principibus interpositam, ne ...**

Adarzo, Gabriel

Francofurti, 1660

[§. VI.] Dubium suboritur, & resolvitur.

urn:nbn:de:hbz:466:1-10517

nam etiam si Principes pauci dici possint, penetrare
tamen valent defectum animi inquieti, & belligerosi
(promotionem Caij hic & nunc impedientem) à to-
to Sacro Collegio ignoratum, aut saltem à multis
de illo : Quoniam ad eos, qui defectum ignorant,
dirigitur Exclusiva præcise : non ad illos, qui defe-
ctum talem agnoscunt : hi namque non indigent
Exclusivâ : Sat enim ad excludendum esteis ipsâ sua
animi probitas, & rectitudo.

§. VI.

Dubium suboritur, & resolvitur.

Sed emergit statim difficultas, nam ex dictis videtur 30
inferri, quod tencatur Eminentissimi Electores ro-
gare à Principibus, tanquam peritis in arte belli, & pa-
cis, an habeant quod opponant alicui de sacro Colle-
gio ; quod quidem durum videtur & impracti-
cabile.

Huic difficultati satisfacere possemus dicendo, nec id durum esse, nec impracticabile; & incipiendo ab ultimo, dico facile esse interrogare ab Oratoribus Principum, qui Romæ resident, si habent aliquid hujusmodi in mandatis: Nec durum debet

M 3 hoc

Hoc dici, cum sit conformiter ad laudabilem Ecclesiæ consuetudinem, per multa Sæcula in electionibus observatam, & nunc retentam quoad substantiam, licet in aliquibus accidentibus variatam: Præterea, durum dici non debet, quod summam reverentiam conciliaret Electoribus, cum sic patefarent Orbis uam sanam & rectam intentionem in providendo universali Ecclesiæ de digniore.

32 Sed si durum id videatur, dico permissivè, tene-
ri Electores saltem excipere Exclusivam, si adest, &
audire eam interponentes, quod est scopus totius hu-
jus Sectionis.

33 Quod si de nullo exstiterit Exclusiva, sit judi-
cium, quod nullus de Sacro Collegio sit hodie inido-
neus eligi ob defectum animi belligerosi, & inqui-
eti; nam quitacet, & nulli aliquid opponit, videtur
omnes approbare, & fateri nullum ex hoc capite
indignum hic & nunc recognoscere. Quod est con-
formiter ad hodiernam praxim Ecclesiæ, nam in
Pontificali Romano, immediate post verba suprà
data, præcipit Pontifici Ordinatori, ut postquam à
Populo requisierit, si habent quod opponant Ordi-
nando, faciat aliquam moram, & non procedat ulteri-
ùs, tempus concedens Laicis ad excludendum; &
moram transactâ nulloque reclamante, pergit ad faci-
endam

(9)

endam ordinationem : quia scilicet ordinandus ex Plebis & populi silentio & non oppositione jam censetur idoneus iudicatus à Plebe , dum ei nihil opposuit, cum posset.

Facit ad hoc Glossæ opinio , cap. licet , 8. q. 1. verbo qui præstantior, dum dicit, aliquem bonum esse, eo ipso quod malus non sit; quorum sensus est mihi talis, quoad intentum, positâ Exclusivâ de uno solo , cæteri, qui remanent non exclusi, boni censentur quoad prædictum defectum, dum à Principibus ut indigni non excluduntur.

S. VII.

*Ponderanda sunt momenta Exclusiva : Et
Excludentis qualitates.*

Dico quartò , tenentur Eminentissimi Electores 34 postquam Exclusivam exceperint , perpendere qualitates Principis eam interponentis , & motiva, & causas excludendi : Sed præterquam quod hæc conclusio est conformis rectæ rationi,

Probatur authoritate Concilij Tertij Cartaginensis , cap. 40. cuius titulus si esset conficiendus ex verbis Decreti conciliaris , talis debebat esse: *De contradictione Sacularium , ne quis in Episcopum ordinetur , quod est idem,*